

Notkunarleiðbeiningar fyrir Cosentyx 300 mg UnoReady lyfjapenna

secukinumab




Lestu ALLAR þessar leiðbeiningar fyrir inndælingu.

Þessar leiðbeiningar eru til að hjálpa þér að nota Cosentyx UnoReady lyfjapennann á réttan hátt.

Mikilvægt er að þú reynir ekki að gefa þér lyfið sjálf/sjálfur fyrr en þjálfun hefur fengist hjá læknum, hjúkrunarfræðingnum eða lyfjafræðingi.

Cosentyx 300 mg UnoReady lyfjapenninn:



Cosentyx 300 mg UnoReady lyfjapenni er sýndur hér fyrir ofan þegar hettan hefur verið tekin af. **Ekki** fjarlægja hettuna fyrr en þú ert tilbúin/tilbúinn að gefa lyfið.

Ekki nota Cosentyx UnoReady lyfjapennann ef innsiglið á ytri öskjunni er rofið.

Geymdu Cosentyx UnoReady lyfjapennann í innsigliðu ytri öskjunni til varnar gegn ljósi þar til þú ert tilbúin/tilbúinn að nota hann.

Geymdu Cosentyx UnoReady lyfjapennann í **kæli** við hita á milli 2°C og 8°C og **þar sem börn ná ekki til**.

- **Ekki frysta** lyfjapennann.
- **Ekki hrista** lyfjapennann.
- Ekki nota lyfjapennann ef hann hefur **dottið** þegar hettan var ekki á honum.

Nálin er hulin af nálarvörninni og nálin sést ekki. Ekki snerta eða ýta á nálarvörnina þar sem þú getur hlotið skaða vegna nálarstungu.

Það sem þú þarft fyrir inndælinguna:

Fylgir í öskjunni:

Nýr og ónotaður Cosentyx 300 mg UnoReady lyfjapenni.



Fylgir ekki í öskjunni:


- Sprittþurrka.
- Bómullarhnoðri eða grisja.
- Ílát fyrir beitta hluti.



Fyrir inndælingu:

Taktu Cosentyx 300 mg UnoReady lyfjapenna úr kælinum **30-45 mínútum fyrir inndælinguna**

þannig að hann nái stofuhita.



1. Mikilvæg öryggisatriði sem þarf að skoða fyrir inndælingu:

Glugginn:

Vökvinn á að vera tær. Liturinn getur verið frá því að vera enginn í að vera lítilllega gulleitur.



Ekki nota lyfið ef vökvinn inniheldur auðsjáanlegar agnir, er skýjaður eða greinilega brúnn. Þú getur séð litlar loftbólur, sem er eðlilegt.

Fyrningardagsetning:

Athugaðu fyrningardagsetninguna (EXP) á Cosentyx UnoReady lyfjapennanum. **Ekki nota** lyfjapennann ef komið er fram yfir **fyrningardagsetninguna**.

Vertu viss um að lyfjapenninn innihaldi rétt lyf og réttan skammt.

Hafðu samband við lyfjafræðing ef lyfjapenninn stenst ekki allar þessar skoðanir.



2a. Veldu stungustað:

- Ráðlagður staður er framan á lærum. Þú getur einnig notað neðri hluta kviðar, en **ekki** svæðið sem er 5 sentimetra í kring um naflann.
- Veldu mismunandi stað í hvert skipti sem þú gefur þér inndælingu.
- Ekki gefa lyfið í svæði þar sem húðin er aum, marin, rauð, flögnuð eða hörð. Forðist að sprauta í ör eða húðslit.


2b. Umönnunaraðilar og heilbrigðisstarfsfólk eingöngu:

- Ef **umönnunaraðili** eða **heilbrigðisstarfsmaður** gefur þér inndælinguna má einnig nota svæðið utanvert á upphandleggjum.

3. Stungustaðurinn hreinsaður:


- Þvoðu þér um hendurnar með sápu og heitu vatni.
- Hreinsaðu stungustaðinn með sprittþurrku með hringlaga hreyfingu. Láttu hann þorna áður en sprautað er.
- Ekki snerta hreinsaða svæðið aftur áður en sprautað er.

Inndælingin:





4. Hettan fjarlægð:

- Ekki fjarlægja hettuna fyrr en þú ert tilbúin/tilbúinn að nota lyfjapennann.
- Dragðu hettuna beint af í áttina sem örin á myndinni hér til vinstri sýnir.
- Þegar hettan hefur verið tekin af skal fleygja henni. Ekki reyna að setja hettuna aftur á.
- Notaðu lyfjapennann innan 5 mínútna frá því að hettan var tekin af.



5. Haldið á lyfjapennanum:

- Haldið lyfjapennanum í 90° við hreinsaða stungustaðinn.




ÞÚ VERÐUR AÐ LESA ÞETTA FYRIR INNDÆLINGU.

Meðan á inndælingunni stendur munt þú heyra **2 smelli**.


Fyrri smellurinn gefur til kynna að inndælingin sé hafin. Nokkrum sekúndum síðar mun **síðari smellurinn** gefa til kynna að inndælingunni sé **næstum** lokið.

Þú verður að halda lyfjapennanum áfram þétt upp að húðinni þar til þú sérð **grænan vísir með gráum enda** fylla gluggann og hætta að hreyfast.



6. Inndælingin hafin:


- Þrýstu lyfjapennanum þétt upp að húðinni til að hefja inndælinguna.
- **Fyrri smellurinn** gefur til kynna að inndælingin sé hafin.
- **Haltu** lyfjapennanum **áfram** þétt upp að húðinni.
- **Græni vísirinn með gráa endanum** sýnir framgang inndælingarinnar.



7. Inndælingunni lokið:


- Hlustaðu eftir **síðari smellinum**. Hann bendir til þess að inndælingunni sé **næstum** lokið.
- Skoðaðu hvort **græni vísirinn með gráa endanum** fylli gluggann og sé hættur að hreyfast.
- Nú má fjarlægja lyfjapennann.

Eftir inndælinguna:



8. Skoðaðu hvort græni vísirinn fylli gluggann:

- Það þýðir að lyfið hefur verið gefið. Hafðu samband við lækinn ef græni vísirinn er ekki sjáanlegur.
- Það getur verið smá blóð á stungustaðnum. Þú getur þrýst bómullarhnoðra eða grisju yfir stungustaðinn og haldið í 10 sekúndur. Ekki nudda stungustaðinn. Þú getur sett lítinn plástur yfir stungustaðinn ef þörf krefur.



9. Förgun á Cosentyx 300 mg UnoReady lyfjapennanum:

- Farga skal notuðum lyfjapenna í ílát fyrir beitta hluti (þ.e. stungupolið, lokanlegt ílát, eða sambærilegt).
- Reyndu aldrei að endurnýta lyfjapenna.